



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ვირი



ვირი (Asinus), კენტრიქოსანი ძუძუმწოვრების ქვეგვარი ცხენისნაირთა რიგისა. ცხენისაგან განსხვავებით აქვს გრძელი ყურები, დიდი თავი, ვიწრო ჩლიქები, წვრილი კუდი, რ-იც გრძელბაღნიანი ფუნჯით მთავრდება. არსებობს შინაური ვ-ის 2 ჯიშური ჯგუფი: 1. აფრიკისა და აზიის ადგილობრივი ტანმორჩილი (მ. შ. კავკასიური); 2. კულტურული ვ-ის ჯიშები, რ-ებსაც იყენებენ ჯორის

გამოსაყვანად. დედა ვ. წელიწადში ერთ ჩოჩორს შობს. სიცოცხლის ხანგრძლივობა 12-18 წელია. იკვებება ბალახით. ვ-ს იყენებენ სასაპალნედ და შესაბამელად, განსაკუთრებით მთაგორიან ადგილებში და ბილიკების სავალ გზებზე. ვ-ს შეუძლია ტვირთის გადატანა ბურგით (საშუალოდ 80-98 კგ-მდე) და საზიდრით (1,0 ტ-მდე). ვ-ს ამუშავებენ 2 წლიდან. საქართველოში (კახეთი, სამცხე-ჯავახეთი, აფხაზეთი) გავრცელებული ვ. ტანად პატარაა, მისი სიმაღლე 95 სმ აღწევს. ვ-ს უმთავრესად იყენებენ საკარმიდამო სამუშაოებისათვის, აგრეთვე მეცხოველეობაში, განსაკუთრებით მეცხვარეობის ფერმებში საზაფხულო და საზამთრო საძოვრებზე. მოვლა-კვების მხრივ ნაკლებმომთხოვნი, გამძლე და ამტანი პირუტყვია, იშვიათად ავადდება.

დ. კობალავა
